

# ***Ilanngussaq N***



INATSIARTUT

**Pingortitamut, Avatangiisinut Inatsisinillu  
Atuutsitsinermut Naalakkersuisoq**

Ulloq: 23. oktober 2015

J.nr.: 01.31.11-00015

**Aningaasaqarnermut Akileraartarnermullu Ataatsimiititaliap ilassutitut apeqqutai  
marlunngornermi ulloq 27. oktober 2015, nal. 12.00 akineqartussat.**

**Aningaasaqarnermut Ataatsimiititaliap oqaaseqaatai apeqqutaalu:**

Aningaasaqarnermut Ataatsimiititaliap 2016-imi aningaasanut inatsisissatut siunnersuummut ilassutitut apeqqutai oqaaseqaataalu matumuuna nassiunneqarput. Ataatsimiititaliap apeq-qutaanut Naalakkersuisut akissutaasa Aningaasaqarnermut Ataatsimiititaliamit misissorne-qarnerat apeqqutininut pingaarnertut tunngavigineqarpoq.

Tassunga atatillugu apeqqutit makku Naalakkersuisunit akineqarnissaat Aningaasaqarner-mut Akileraartarnermullu Ataatsimiititaliamit kissaatigineqarpoq:

Immikkoortut normui taaneqartut ataatsimiititaliap 28. september apeqqutaanut normu-liunneqartut assigaat.

**15.1 Konto pingarneq 73.94.02 Nukissiorfiit**

- a) Nukissiorfiit aatsaat 2019-imit nunatta karsianit toqqaannartumik tapiiffigineqaratik ingerlalnissaat Naalakkersuisut aalajangiusimavaat aammalu siunissami akeqar-titseriaasissaq nutaaq pillugu Naalakkersuisut isumaliuteqarpat?

Naalakkersuisut ilaatigut paasissutissiippat allaffissormikkut nalilersuinerit ingerlanneqartut, tamatumalu kingunerisaanik nukissiuutinut akit nutarsaavigineqarnissaat aqutissiuunniarneqassasoq.

**Apeqqut:**

Akeqartitseriaasissap nutaap ingerlanneqarnissaanut pilersaarummik ataatsimiititaliamut nassiusseqqullugit Naalakkersuisut qinnuigineqarput.

Ataatsimiititaliaq sinnerlugu

Jens Immanuelson

Aningaasaqarnermut Akileraartarnermullu Ataatsimiititaliap Siulittaasua



Aningaasaqarnermut Akileraartarnermullu Ataatsimiititaliaq  
/MAANI

**Nukissiuuteqarnermut suliassaqarfimmi akit ilusaasa  
allannguuteqartinnissaanut suliaqarnerup ingerlanissaanut pilersaarut**

27-10-2015  
Sags nr. 2015-3530  
Akt. nr. 1429222

Aningaasaqarnermut Akileraartarnermullu Ataatsimiititaliap 2016-imut Aningaasanut inatsimmut siunnersuutip aappassanneerseqarnissaata piareersarneqarneranut atatillugu akit ilusaasa allannguuteqartinnissaanut suliaqarnerup ingerlaneranut pilersaarummik Naalakkersuisut nassiusseqquai.

Postboks 1614  
3900 Nuuk  
Tlf. (+299) 34 50 00  
Fax (+299) 34 54 10  
E-mail: paian@naaq.gl  
www.naalakkersuisut.gl

2016-imi Ukiaanerani ataatsimiinnermi akit ilusaannut nutaamut siunnersuummik saqqummiussisinaanissaq Naalakkersuisut naatsorsuutigaa. Ilusiliaq suliaqarnerup ingerlaneranut pilersaarummik pingaarnermik, maannakkorpiaq suliaqarnermi malinneqartussamik, takutitsisoq allakkanut matumunnga ilanngunneqarpoq.

Suliaqarnerup ingerlaneranut pilersaarut anguniagaqarfiusumik inissinneqarpoq aammalu "best case"-mik ingerlatsinissamut eqimangaatsiarluni. Suliap ingerlanerata qanoq ingerlanissaa, pisariaqartitsinerit aamma politikikkut pingaarnersiunerit suut suliap ingerlanerani paasinarsinneqassanersut kiisalu periarfissatut ilusiliat assigiinngitsut naatsorsorneqarnerisa qanoq pisariutiginerata paasinarsinissaa apeqqutaallutik, piffissaqarnerunissaq pisariaqartoq paasinarsinnaavoq, taamaalilluni siunnersuut tamatumunnga taarsiullugu assersuutigalugu 2017-imi Upernaakkut ataatsimiinnermi saqqummiunneqartariaqalersinnaalluni.

Akit ilusaat nutaaq inuiaqatigiinnut pingaaruteqartorujussuuvoq, taamaattumik suliaqarnerup ingerlaneranut pilersaarummi alloriarfissat assigiinngitsut naammaginatsumik ingerlanneqarnissaat aalajangiisuulluinnartumik pingaaruteqarluni.

Inussiarnersumik inuulluaqqusillunga

  
Mala Høy Kuko

**Nukissiuuteqarnermut suliassaqarfimmi akit ilusaasa allannguuteqartinnissaannut suliaqarnerup ingerlanissaanut pilersaarut:**

